

ԳԵՂԱՄ ՍԱՐՅԱՆԻ ՍՏԵՂԾԱԳՈՐԾԱԿԱՆ ՈՒՂԻՆ

Վ. Մ. ՄԵՆՏԱԿԱՆՅԱՆ

Սարյանը տվել է մեզ քնքույշ ու գե-
ղեցիկ երգեր, արվեստի երջանկացնող
պահեր...

Ավ. Իսահակյան

Լրացավ սովետահայ ականավոր բանաստեղծ Գեղամ Սարյանի ծննդյան 60-ամյակը, մի արվեստագետի, որի ամբողջ պոեզիան հագեցած է հայ ժողովրդի պատմությամբ, նրա երեկով ու այսօրով, դարերի հողմերին դիմացած նրա սրտի երիտասարդությամբ։ Անկախ նրանից, թե ինչ ժանրի երկ է գրել ականավոր քնարերգուն՝ պոեմ, բալլադ, թե բանաստեղծություն, նրա խոսքը՝ աչքի է ընկել մի հմայիչ «ալեկոծությամբ»։ մերթի դարձել է մեզմ ու կաշառող, մերթ կայծակի փայլ ստացել, մերթ էլ գուզվել արևելյան ճոխ պատկերներով։ Եվ բոլոր այդ «մակրնթացությունների» մեջ Սարյանը հավատարիմ է մնացել կյանքի ճշմարտությանը։ Գտնելով իր ստեղծագործական բեղմնավոր ուղին. նա երբեք չշեղվեց սովետական գրականության զարգացման ընդհանուր ճանապարհից, սովորեց իր մեծ նախորդներից, ազդեց շատերի վրա, ստեղծեց ուրիշներից տարբերվող իր լավը, իր գեղեցիկը։ Գեղամ Սարյանը խոր ընդգրկությունների բանաստեղծ է։ Նրա ստեղծագործությունը նոր մարդու վսեմ հույզերի ու ապրումների բնարական տարեգրությունն է՝ սկսած Մեծ Հեղուներից մինչև մեր օրերը։ Անվանի բանաստեղծի պոեզիան վաղուց է գտնվում դրականագիտության ուշադրության կենտրոնում։ Նրա պոեզիայի մասին գրվել են առանձին մենագրություններ, գիմանկարներ ու բազմաթիվ հոդվածներ, որոնցում ցույց են տրված, թե ինչպիսի դժվարին ու բեղմնավոր ուղի է անցել Սարյանը, ինչպես է նա կարողացել գտնել ու պահպանել իր տաղանդի ու ժամանակի միջև ստեղծված հոգևոր ներդաշնակությունը, որքանով է նրան հաջողվել արտահայտել դարաշրջանի բարոյական ու գաղափարական բովանդակությունը։

Արվեստի երկը, եթե այն իրոք տաղանդավոր է, շարունակում է մի նոր կյանքով ապրել եկող սերունդների հոգևոր աշխարհում։ Սարյանի պոեզիան հենց այդպիսին է։ Ժամանակի ոգուն հարապատ, ժամանակի հետ քայլող, ժամանակի հետ երիտասարդացող։

* *

1922 թ. հունիսին, մի խումբ պարսկահայ երիտասարդների հետ, Գեղամ Սարյանը եկավ Սովետական Հայաստան. եկավ սիրով, հավատով ու պայծառ երազանքներով։ Սարյանին ոչ ոք չէր ճանաչում. նա գեռ բանաստեղծ չէր, թեև նրան հայրենիք բերողը նաև բանաստեղծ գառնալու ձգտումն է եղել։ Այդ է

վկայում մինչև այսօր էլ խնամքով պահվող այն տետրը, որի թերթիկներին մաքրության է վստահել Սարյանը իր առաջին թոթովանքները: Տխուր են եղել ապագա երգչի մանկությունն ու պատանեկությունը: «Ծնված լինելով աղքատ ընտանիքում,— իր ինքնակենսագրության մեջ պատմում է Սարյանը,— իմ մանկությունն ու պատանեկությունը ապշեցնող կացրել նյութական ծանր պայմաններում: Թշվառությունը միայն մեր բնատանիքի «մենաշնորհը» չէր: Նույն շարքաշ բախտն էր բաժին ընկել նաև պարսիկ աշխատավորին: Այդ հանգամանքը, ինչպես նաև ֆեոդալական Պարսկաստանի ծայրաստիճան ետամնացությունը, իրավագրկությունն ու խավարամոլությունը, բնականաբար, չէին կարող խոշտեղաբ չթողնել իմ պատանեկան հոգում»: Սոցիալական անարդարությունները, ահավոր թշվառությունն ու աղքատությունը ցավ էին պատճառում ապագա բանաստեղծի զգայուն սրտին: Ճիշտ է, այդ ցավը դեռևս չէր դիտակցված, բայց դա չէր խանգարում նրան տեսնելու նաև ուրիշների վիշտը, կարեկցանքով լցվելու դեպի բնագուրդները, կյանքից հալածվածները, դեպի այն հազարավոր մարդիկ, որոնց նա հաճախ է հանդիպել հոր արհեստանոցը տանող ճանապարհին, Ամիրի քարվանսարսյում:

Ամեն քայլափոխի և ամենուր պատանի Գեղամը հանդիպում էր շարի, անարդարի ասպատակություններին: Նա մինչև այսօր էլ հարագրատի ցավով է հիշում այն երիտասարդ պարսկուհիներին, որոնք շեղում էին իրենց ճանապարհը, քայլում խուլ փողոցներով, որպեսզի կարողանային գոնե մի քանի վայրկյան իջեցնել շահրան և տեսնել աշխարհը իր բնական դույներով: Բարբերի դաժանությամբ էր հագեցած ամեն ինչ. փողոցները, պատուհանները, աչքերը, նույնիսկ օդը: Բարի էին թավրիպի միայն աստղալից դիշերները, որ պատանուն հաճախ էին գերում իրենց կաթնագույն առկայծումներով, տանում նրան անհոգ, անորոշ, բայց հաճելի երազների աշխարհը, մեկ էլ՝ հոգնարեկ մոր դուրգուրանքները, որ անսպաս էին ու տազնալի:

«Ինձ թվում է,— գրում է Սարյանը,— թե ես բանաստեղծ դարձա այն օրից, երբ զգացի, որ մենակ ես չեմ ապրում թշվառության մեջ, որ կա մի խոր, անսահման տխրություն, որից ինձ էլ է բաժին հասել»:

Սա շատ կարևոր խոստովանություն է: Հետագայում մենք կտեսնենք, որ Գեղամ Սարյանի պոետական խառնվածքի կարևոր, որոշիչ դիմը՝ իր ուրախություններն ու տխրությունները բնականորեն անբաժան տեսնելն է, այդ բնականորեն տեսանկյունից երևույթները դիտելն ու դնահատելը: Բհարկե, դեռ երկար ճանապարհ պետք է անցնել նա, որպեսզի կարողանար զեղարվեստական ճշմարիտ դատավճիռ կայացնել իրականության երևույթների նկատմամբ: Առայժմ մեզ հետաքրքրում է այն, որ պատանի Սարյանը իրեն մեկուսացած չի զգում դրսի աշխարհից, ինչ-որ բնականություն է տեսնում իր և աշխատավոր մարդկանց բախտի միջև: Թող որ այդ բնականության օղակը թշվառությունն է, դրանից առաջացած վիշտը: Գարևորը կյանքում ճիշտ կողմնորոշվելն է, այն, թե ինչ ուժերի հետ ես կապում քո ճակատագիրը: Այսքանը դեռևս բավական չէ պոետ կոչվելու համար, բայց քաղաքացի դառնալու գրվախավոր պայմանն է:

Այսպիսով, Սարյանը տեսնում է մարդկային արժանապատվության ոտնահարում, խավարի ու տղիտության մոլեղություն, արդար վստահով ապրող մարդկանց անյուր տառապանքներ, սովի ու կարիքի դոհ դարձած ընտանիքներ և կյանքի բոլոր բարիքները ճաշակույ հարուստներ: Այս ամենը բնա-

կան անհրաժեշտությամբ թախծաշունչ տողեր էին դառնում և ակնածանքով հանձնվում թղթին: Այդ տողերը նպատակ ունեին ոչ այնքան ուրիշների տառապանքները թեթևացնելու, որքան պատասնու անփորձ, դեռ փխրուն սիրտը բեռնաթափելու ծանր մտորումներից:

Երբ Սարգսնը առաջին տնդամ ծանոթանում է Վահան Տերյանի բանաստեղծություններին, նրա առջև բացվում է մի նոր, մինչ այդ նրան անհայտ աշխարհ: Հետագայում նրան բախտ է վիճակվում ձեռք բերել նաև Հովհ. Թումանյանի ու Ավ. Իսահակյանի գրքերը: Հայ պոեզիայի այդ երեք մեծությունները միանգամից հափշտակում են պոետ դառնալու կրքով վառվող պատանուն, դառնում նրա դրական խորհրդատուները, խստապահանջ սիրու՜մ բացելով իրենց կախարդիչ պոեզիայի գաղտնարանները: Գրական առաջին խնջայլերից սեփական տաղանդի ուղղությունն անսխալ ընտրելը զգալիորեն արագացնում է պոետի ունակությունների առողջ զարգացման ընթացքը, հնարավորին չափ հեռու պահելով նրան շատ ու շատ սալթաքումներից ու մոլորություններից, դրական կենսազուրկ հոսանքների պատճառած դառնություններից:

Սարգսնի վաղ շրջանի երգերում իշխողը կյանքի տխուր պատկերներն են, սիրտ մաշող ցուրտ աշնան զգացումը, տեղացող «անձրև-արցունքը», ռուսի մարդու ջահերը», ապա առկայծող հավատը, որ «կգան նոր օրեր» և «հին սերերի վիշտը» կմոռացվի, այլևս հողմերի բերան չի ընկնի մարդկային վիշտը: Այդ ամենի մասին բանաստեղծը խոսում է ոչ թե թաքուն, ինքն իր համար, այլ փորձում է դիմել աշխարհին, որ ինքն էլ ցավեր ունի, անթիվ տրտունջ ու մրմունջ, ունի նաև «սիրո հույզեր ու տենչանքներ լուսեղեն»:

Իմ աշխարհն էլ վառ ծաղիկներ ունի շատ.—

Սիրո հույզեր ու տենչանքներ լուսեղեն.

Աշխարհ, ես էլ ցավեր ունեմ. որ վհառ

Ամպերի պես հոգուս մուրս կոշաղեն:

Աշխարհ, ես էլ գիշեր ունեմ սևաթև.

Երբ իմ հոգին տրտունջ ունի ու հառաչ.

Գարուն ունեմ, ձմեռ ունեմ խոլարև.

Աշխարհ, ես էլ մի աշխարհ եմ քո առաջ:

Իր ուսուցիչների նման Սարգսնն էլ է փորձում երգել իրականության դժգոհ դարձած սերը, թախծող բնությունը, բողոքել տիրող անարդարությունների, իր սրտի մատաղ ծաղիկները տրորողների դեմ, ձգտում է լավին, գեղեցիկին, ուզում է իրականացած տեսնել իր սիրո հույզերն ու տենչանքները: Բայց դաժան կյանքը մարում է նրա հույսի ջահերը, աշխարհի առատությունից միայն արցունք ու վիշտը բաժին թողնելով նրան: Հակասական, իրաբաներժ են հեղինակի ապրումները, նա չի կարողանում գտնել «ինչ անել»-ի ճշմարիտ պատասխանը և անվերջ դեղերում է լույսի ու խավարի խաչմերուկներում: Զգացմունքների, խոհերի ու ապրումների այս մակընթացություններում գերիշխողը հողի մաշող, անշող տրտմությունը չէ: Բանաստեղծը հույսի, հավատի մի ինչ-որ շող ունի պահած հոգու խորքում:

Բայց, ախ, լիներ, որ հառնելի մի օր.

Թեկուզ անհամար տարիներ անցած.

Տեսնելու համար՝ քե բոլոր, բոլոր

Հույսի փռերից որք վառ մնաց:

Եթե այդ հույսին ավելացնենք նաև այն, որ բանաստեղծը իր ցավերին տեղյակ է պահում աշխարհին, ապա կարող ենք ասել, որ նա գիտի գլխավոր հանցավորի հասցեն: Կանցնի ևս մի քանի տարի, և նա իր դատավճիռը կկարգախանի ու թաջի իր կրքի նկատմամբ: Իսկ առայժմ նա այնքան է հասկանում, որ մարդն իրավունք չունի ամպի նման անտարբեր լինել հողմի նկատմամբ, չիմանալ, թե ուր և ինչի համար է թափում իր արցունքը: Այդքանը, իհարկե, դեռևս հեռու է անարդարության դեմ ակտիվ պայքարի կոչ դառնալուց: Բայց որ վշտի, թախծի այդ ուղին վաղը բերելու է պայքարի կոչի գիտակցման, կասկածից վեր է: Եվ պոետական այդ վաղը բացվում է Սովետական Հայաստանում: Այստեղ է նա խորապես հասկանում, թե ինչ ասել է ազատություն ու երջանկություն և ինչպես պետք է պայքարել հին աշխարհի դեմ:

Երբ խավարից միանգամից լույսն ևս բնկնում, մի պահ չես կարողանում ամբողջական, հստակ պատկերացում կազմել շրջապատի մասին, չես կարողանում կենտրոնանալ որեւէ կոնկրետ իրի, երևույթի վրա, ուշադրությունդ ջրվում է ամեն ինչ տեսնելու, ամեն ինչով հիանալու անհագ կարողացող նման բարդ ու հետաքրքիր հոգեվիճակ ապրեց նաև երիտասարդ Սարյանը, երբ առաջին անգամ ոտք դրեց հայրենի հողին: Նրա համար ամեն ինչ նոր էր, անսովոր. կյանքը, մարդիկ, աշխատանքը, մարդկային փոխհարաբերությունները: Բնդամենը երկու տարի առաջ շահագործման ու վայրենի կամալականությունների լուծը թոթափած հայ ժողովուրդը դարձել էր իր բախտի տերը: Ամենուր լսվում էին խորտակվող հնի հառաչանքները և վեր բարձրացող նորի հողթական կանչերը: Ամբողջ ժողովուրդը, փոքրից մինչև մեծը, դարձել էր խանդավառ շինարար: Սարյանը տեսավ իր ազատագրված ժողովրդի նոր կյանքի սոմանտիկան, որդիաբար հպարտացավ վեր ձգվող յուրաքանչյուր շենքով, հրճվեց հատիկների առատությունից կորացած հասկերով, ունկնդրեց սաշտերի ծառավր հագեցնող նոր աւուները չարկաչին: Գրական ու գաղափարական վերածնունդ մի ամբողջ պրոցես ապրեց բանաստեղծը մինչև համոզվեց, որ արդեն կարող է ճշմարտացի խոսք ասել Հայրենիքում տեսածի ու ապրածի մասին: Առաջին երկր «Շիրակի հարսանիքը» պոեմն էր, որը նշանակալից էր թեմատիկ շրջադարձի առումով. 20-ական թվականներին թեմատիկայի հարցերը շատ սուր էին դրված. այդ սրությունը օրակարգից չհանվեց նաև հետագա տարիներին: Տեսնել նորը, երբ հինը կատաղորեն դեռ մտքառում էր վերագրվելու իր կորցրած դիրքերը, պահպանելու իր բարոյական նորմաները կենցաղում, մարդկային փոխհարաբերություններում, երբ թշնամին «նեքսից ու դրսից» անկում էր կարգում նորաստեղծ երիտասարդ ռեսպուբլիկային. այո, այդ ամենի կողքին տեսնել նորը, հավատալ նրա ուժին ու կամքին, նրա մեծ դալիքին, իսկական տաղանդի հատկություններից է: Հեքիաթը մի այլ, ոչ պտկաս կարևոր նշանակություն էլ ունեցավ երիտասարդ բանաստեղծի համար. նա ճիշտ էր հասկացել իր տաղանդի կոչումը: Բրավանությունը բանաստեղծորեն վերաբերողի համար,—ասել է Բեյլինսկին,—միայն բնական տալանդ ունենալը քիչ է, հարկավոր է նաև, որ բոլորի ձեռքի տակ բանաստեղծական իրականություն լինի: Սարյանը տեսավ այդ նոր իրականությունը և իր պոետական բախտը կապեց նրա հետ: Նա բնորեն արվեստի ամենագովարին ուղին՝ հերոսական աշխատանքի մեջ տեսնել մարդուն, ապրել նրա կյանքի բոլոր մակրնթացություններով և մնալ նրա հետ, հավատաբարապես կիսելով բոլոր ուրախություններն ու դառնությունները: Այդ առում-

մով անհիմն պետք է համարել այն կարծիքը, թե Սարյանը ստեղծագործական ցավեր չի ունեցել, թե հարթ ու խաղաղ է եղել նրա դրական ճանապարհը։ Ոչ ինքն է վիճել ուրիշների հետ, ոչ էլ ուրիշներն են անհանգստացրել նրան։ Սարյանն, իհարկե, Չարենցի նման դրական ճակատամարտեր չի մղել, բայց նա Չարենցի կողմն էր, նրա մղած պայքարի կրքոտ մասնակիցը։ Այդ է վկայում նրա «Երկիր խորհրդային» ժողովածուն, որ լույս տեսավ 1930 թ., Չարենցի «էպիկական լուսաբացից» մի քանի ամիս հետո և արժանացավ բնթերցող հասարակայնության բարձր գնահատականին։ Նոր ժողովածուի մեջ այլևս չկան «մորմորող սրտեր» ու «հառաչող հոգիներ», այլ կա ծով խնդություն, հայրենիքի անմար սեր, կառուցման տենդով վառված մարդիկ։ Փոխվել է ամեն ինչ, և այդ ամենի հետ նաև ինքր՝ բանաստեղծը։

Ձբերը հորդում եմ, ձյունիս էլ, քան, զարուն.
Կարկաշում է առում, սիրտ իմ, խեղա:
Այս կարկաշը, սիրտ իմ, էլ ետ չի դառնալու,
Այս կարկաշը, սիրտ իմ, էլ չես զգա:

Չվանգենց վայրկյանը, քո վրայով անցավ,
Ու կատարեց սահուն քոիշքս իրա,
Ու քոքափեց անա զարկերի հետ մեկտեղ
Իւ բերածը, սիրտ իմ, նա մեզ վրա:

Դու էլ անցար, սիրտ իմ, անտրտունչ ու անձան.
Ես էլ մեզ հետ մեկտեղ և ամեն ինչ,
Հիմա ուրիշ եմ ես, հիմա ուրիշ ես դու
Այլ է աշխարհն հիմա և ամեն ինչ...

Կարգում ես երեք տասնամյակ առաջ լույս տեսած «Քարերիդ երգը երգեմ».
«Խորհրդային Հայաստան», «Պատմություն գրված ժայռի վրա», «Վայրկյանը բանաստեղծությունները և մի փառավոր պատմություն է հառնում քո ղեմ գրված քարերով, քարերի վրա, դարերի խորքից եկած։ Սարյանի բանաստեղծական «ես»-ին խորթ են քաղքենիական նվոցները, լավանությունն ու տրիստիկությունը։ Կյանքի, սիրտ, մահվան մասին նա խոսում է, մնալով մարդկային հոգևոր արժանապատվության, մարդասիրության բարձունքներում։

Առաջին գրքի հաջողությունը թևավորեց Գեղամ Սարյանին։ Կարելի է ասել, որ 30-ական թվականները շրջադարձային կետ դարձան սովետահայ գրականության համար։ Եվ բնավ պատահական չէր, որ այդ տասնամյակում հրապարակ եկավ տաղանդավոր գրողների մի ամբողջ սերունդ, իսկ մինչ այդ քիչ թե շատ անուն ունեցողները ամուր արմատներ ձգեցին, գնացին դեպի կյանքի խորքերը, այնտեղ որոնելով իրենց տաղանդի սրբազան անհանգստությունը, իրականության վեհն ու զեղեցիկը։ Բանաստեղծի սրտի միջով է անցել ժամանակը, թողնելով նաև վերքեր։ Նրա յուրաքանչյուր խոհրդ, տխրությունը այդ վերքերի անմիջական արտահայտություններն են։ Բանաստեղծի այդ տրամադրությունների արտահայտությունը հանդիսացավ «Զրպարտություն» խորագրով պիեսը, որը մի քանի անգամ բեմադրվեց Սունդուկյանի անվան թատրոնում, սակայն արգելվեց, որովհետև այնտեղ դատապարտում էին այն դրպարտությունն ու ղեմագողիան, որ այդքան դառնություններ պատճառեցին ժողովրդին անհատի պաշտամունքի շրջանում։ Սարյանը չէր կարող ընտրել արհեստական կուրության ուղին, որովհետև նա զգում էր, որ

սև ամպեր են կուտակվել և միայն հորդ տեղատարափը կարող է պայծառություն բերել երկնքին: Ճիշտ է, այդ տեղատարափը ուշ եկավ, բայց եկավ մարդասիրական մի անողորմությամբ, անցյալից դասեր առած, անցյալի լավի պաշտպանությամբ:

30-ական թվականներին, երբ երկիրն ու մարդիկ «երկաթ էին հագել», իսկ պատմությունը դրվել էր ռեյսերի վրա, երբ քրտինքի կատարածը հավասարվեց արյունով ձեռք բերածին, սկսվեց սոցիալիստական աշխատանքի վճռական հարձակումը կյանքի բոլոր բնագավառներում, համայնական դաշտերում, գործարաններում, բնտանիքում: Մեր հայրենիքի պատմության նոր էտապը սկզբնավորող այդ հարձակման մեջ առաջ եկան աշխատանքի ղորավարներ, ծավալվեց, խորացավ ու էլ ավելի հարստացավ կյանքը, դրա հետ միասին նաև զրականությունը: Մարջանի լիրիկական հերոսը նույնպես դարձացում ապրեց: Երեկ նա շատ բան տեսնում էր, բայց չէր կարողանում խորանալ դեպքերի պատմա-փիլիսոփայական էության մեջ, բմբռնել կյանքի հեղափոխականացնող աշխատանքի նշանակությունը: Այժմ նա ավելի լրբաջահայաց է ու մտախոհ, տեսնում է, որ մարդն աշխատանքով է փոխում բնությունը և փոխվում աշխատանքի մեջ, և այդ ամենը ձեռք է բերվում քրտինքով, զրկանքով, արյունով:

Կրաճահանա մի օր, կլինես խելահաս,
Ու երկիր կմտնես որպես զարուն զվարթ.
Գուցե հուզվի հոգիդ, կամ գուցե զարմանաս.
Երբ ժպտա ֆեզ կյանքի և պայծառ, և հպարտ:

Զմայլանքի խիղճով հոգիդ կպարուրես,
Կժպտան քո գիմաց շենքերը խոյանքով.
— Ինչպե՞ս են կռուցել, — գիտեմ կհարցնես, —
Քառերը շենքերի կասեն ֆեզ. — Բռնեցի:

Կրազվեն քո առաջ անհամար զործարան,
Ու հազար մեքենա սրտատրոփ զարկով.
— Ինչպե՞ս են կռուցել, — կհարցնես նրանց,
Ու հազար մեքենա կասեն ֆեզ. — զրկանքով...

Կնայես, կխորհես հոգիդ քախիծով լի
Կնաճաչես նրանց կոմունար անունով.
— Ինչպե՞ս են բարձրացել, — կհարցնես էլի.
Արձանները մեկտեղ կասեն ֆեզ. — արյունով:

Մարջանը հարուստ սոցիալացիաների հեղինակ է: Երբեմն շատ սովորական, նույնիսկ աննշան երևույթից նա կարողանում է «պոկվել» և բնթերցողին տանել մեծ խոհերի ճանապարհով: Ահա «Պարտիզպանը» բանաստեղծությունը, որտեղ պատմված է այն մասին, թե ինչպես արքան, շքեղ պարտեզ մտնելով, հրամայում է (և ոչ թե խնդրում) պարտիզպանին մի ծաղիկ պոկել և տալ իրեն: Բայց տեսեք, թե այս շատ անմեղ տեսարանին ինչ է հաջորդում.

Մքենց ծերունու հայացքն արեկա,
Տխրեց սլաքակալ հազարաշփանի.
— Ես ո՞ր ծաղիկը փողեմ, ով արեա.
Ու կողքին լացված ծաղիկն «ախ» չանի:

(1945)

Այս բոլորովին անսպասելի անցումից հետո այլևս մոռանում ես պարտեզն ու ծաղիկները և քո հայացքի առջև ծառանում է արքան՝ իր դաժանություններով, մարդկային արյան ծարավով, նա, որի զոհն են դառնալու Գյուլնարան ու Զեյնալը, կյանքի այդ գեղեցիկ ծաղիկները, ապա դարերի խորքից եկած իմաստունի այն հավաքական կերպարն է կանգնում քո դեմ, որ ժողովուրդը ստեղծել է իր դատը պաշտպանելու համար։ Որքան իրավացի էր նեկրասովը, ասելով. «Եթե բանաստեղծի հոգում պարզ են բարու և սիրո տիպերը, աշխարհում նրա համար բոլոր թեմաներն էլ դեղեցիկ են»։ Սարյանը հենց այդպիսի խառնվածքի պոետ է։ Նա թեմայի պակասություն չի զգում, որովհետև նա կյանքում սոսկ ականատես չէ, այլ ճշմարտության կրքոտ պաշտպան։ Ժամանակի ողին, նրա սոցիալական զարկերակը որոշակիորեն երևում է նրա մեծ ու փոքր երդերում, անկախ նրանից, թե ինչի մասին է դրում անտառի փոքրիկ առվակի, երկաթաքարի, հենակների թե վերջալույսի։ Փոխվում են իրերը, դեպքերը, երևույթները, բայց գեղարվեստական սկզբունքները հարստանալով՝ մնում են նույնը։ Թվում է, թե որևէ կապ չկան չի կարող, ասենք «Մանուշակներ» բանաստեղծության և «Իրանի» ու «Սալաթ-Նովա» պոեմների միջև։ Մինչդեռ կա դադափարական մի հիմնական գիծ, որ անցնում է այդ հրեք գրվածքի միջով։ Բուրժուական աշխարհում չեն կարող ազատ լինել մարդկային գեղեցիկ զգացմունքները, դրանք ոտնահարվում են, վաճառքի հանվում կամ պարզապես գլխատվում։

Սարյանի պոեզիան աչքի է ընկնում խոսքի ինքնատիպ պատկերավորությամբ։ Նա ունի պատկերների իր սիստեմը, իրականության երևույթների խտացած ընդհանրացման իր սկզբունքը։ Որինակ, նա չի սիրում երկը կառուցել առանձին հաջող պատկերի, սրամիտ խոսքի վրա։ Սարյանի բանաստեղծությունն ինքը մի ամբողջական պատկեր է, որի ստեղծմանը մասնակցում են բոլոր տողերն ու մտքերը։ Այս առումով կարելի է նույնիսկ ասել, որ Սարյանը քանդակագործ-բանաստեղծ է, նրա տողն իրոք բարեկազմ է, մկանուտ, հագեցած է կյանքի հյութերով։ Սարյանը երբեք չի ասի, թե կապիտալի աշխարհում անարդարություն է տիրում և «դեղին տիրակալի» կրնկի տակ հեծում է աշխատավոր ժողովուրդը։ Մերկապարանոյ ինֆորմացիայի լեզուն խորթ է նրա պոեզիային։ Այդ ամենի փոխարեն Սարյանն ասում է.

Մոբիլեց արեգակը այնտեղ, արեմուտում
Դարերի տակ նկոած մի լեռան սապատին...

Եվ այդ մորթվող, մահացող արևի պատկերը բացում է մտքերի, խոհերի մի ամբողջ աշխարհ և ընթերցողը ատելությամբ է լցվում արևը (կամ՝ մարդկային կյանքը) մորթողի նկատմամբ, միաժամանակ կարեկցում այդ արնածոր արևին։ Վաղը փրկվելու է նաև այդ արևը, դառնալու է բոցաճառագ, արշալույսի ավետաբեր։ Ծիշտ են նկատել, որ Սարյանը արև շատ է սիրում, դրա համար էլ նա չի կարողանում հանդուրժել կյանքի պայծառությունը խաթարող ստվերը, անգամ ամենափոքրիկ բիծը։ Սարյանի համար արևը «հաղթող կամք է», հաղթող զրահ, ապա նաև երդման խոսք («Այս վառ արևը վկա»), «Խաթարող կարմիր աչք»։ Նրա գրչի տակ մայիսը սովորական ձևով չի գալիս, այլ «ցող մարդարիտներ» ցանելով, զարնան կանաչները համբուրելով, բացվող մեխակների լուռ ժպիտով («Մայիսը»), վերջապես նրա երգած առավոտը

նաև լուսաշող մի դար է: Դժվար չէ նկատել, որ Սարյանը բոլոր դեպքերում մարդու մասին է խոսում, նրա հոգու հարստություններն է տեսնում բնության դեղեցկությունների մեջ: Նա մարդու դրական գծերի սիրահար է, դրանով ոգևորվող ու ոգեշնչվող: Այս առումով նույնպես Սարյանը մեկն է այն գրողներից, որոնք «հիմք ընդունելով մեր կյանքի դրական երևույթները, այդ դրականի վրա ցույց են տալիս աշխատանքի պոթոսը, խանդավառում են մարդկանց սրտերը, նրանց առաջ են կոչում, ցույց են տալիս նոր աշխարհի ուղիները» (Ն. Խրուշչով):

Մի առիթով Ստեփան չորյանն ասել է, թե Սարյանի պոեզիայի համակրելի գծերից մեկն էլ լավատեսությունն է կյանքի նկատմամբ, ոչ թե էժանագին ու ցուցական մի լավատեսություն, որ ոչինչ չի ասում ընթերցողի մտքին ու սրտին, այլ ներքին, բանաստեղծի էությունից բխող, որ նույնպես համակող է ու ջերմացնող: Ճշմարիտ գնահատական է:

Երգը, եթե հագեցած է կյանքով, հարազատ է կյանքի, դարի ոգուն, երբևից ստեղծողի պաշտպանության կարիքը չի զգում: Զրկվելով արդեն իր տողերի վրա իշխելու հնարավորությունից, պոետն այլևս ապրում է իր ստեղծածի մեջ, բաժանում նրա բախտի հետագա ուրախություններն ու դառնությունները: Սարյանը դառնություններ քիչ է կրել, որովհետև դժվարությամբ ձեռք բերված ուրախություն է երգել, կաբոզացել է ճշմարտությունն ասել ժամանակի և իր մասին: Այդ ճշմարտությունն է արտացոլված Սարյանի նաև պարսկական բալլադներում:

Սովետական Հայաստանի կյանքը, մարդկային նոր հարաբերությունները օգնում են նրան իմաստավորելու պարսկական տպավորությունները, տեսնելու ստրկության սոցիալական արմատները: Եվ ահա մեկը մյուսի կտերից նա դրում է «Գյուլնարա», «Թարդանի մորմոքը», «Իրանի», «Գյուլխանզա» ծավալուն երկերը: «Գյուլնարան» պատկերում է սոցիալական խավարի զոհ դարձած պարթևուհու ըմբոստ և հմայիչ կերպարը: Առաջին իսկ տողերից ընթերցողն զգում է խոհերի այն աշխարհը, որը հագեցած է ատելությամբ խանի ու թաղիների երկրի դեմ, ներթափանցված է կարոտով ու ցավով Գյուլնարայի նկատմամբ: Որքան Ռաջծառ է պարսկուհու գործած խալին, նույնքան խավար է այն իրականությունը, որի մեջ ապրում է նա: Երա սովորական խալի չէ, այլ լուսե երազանքներից հյուսած, ցասման ցուրտներ վրան մի կյանք, որ անհավասար կովի է ելել ստրկության դեմ: Գյուլնարան այլևս չի կարող անտրտուն լինել ծանրությունն այն շաղրայի, որ ծանրացել էր նրա սրտին ու հոգուն: Եվ նա, դեն նետելով դարավոր անարդարության այդ խորհրդանիշը, ցանկանում է սեփական աչքերով տեսնել աշխարհը, մարդկանց, և ճշմարիտ կարծիք կազմել դրանց մասին: Այդ հանդուգն քայլի համար էլ նա դատապարտվում է մահվան: Եվ այսպես զխատվում են մարդիկ, ոտնահարվում նրանց ազնիվ ու մաքուր զգացմունքները: Մի տեղ նախբան է մահից առաջ դեն նետում շաղրան, իսկ Զեյնալին թունավորում են սիրելու համար: Մի ուրիշ բալլադում Թարգանն է մորմոքում, որովհետև սիրածին զնել են փողով և տարել հարեմ:

Թառի առաջ սիրտս բացի.
Յարի սավո քառն ինչ անի.
Վարդը տեսա՝ դարդըս լացի.
Վարդը աչքի ցողն ինչ անի.

Քաց աչքերս տվի բարձին,
Վախ, շուր բարձր ինձ ինչ անի,—

— Քարզան, սիրած, գյուղալ յարիդ
Հերր հացով ծախեց խանին:

Մի քառան ուղտ շոֆեց դռան,
Շեմին ախր էն իմ սիրտն էր,
Խանի ուղտը կոխեց վրան,
Սիրտս ախր սիրով լինն էր,
Յարս խանին խաղալիք է,
Ինձ համար նա կյանքս ինն էր:

— Քարզան, յարիդ համար բերած
Խաւ քյաջայան մահով լինն էր:

Էյ, բաղամգյուլ շաղրան վրան
Քյաջուֆի մեջ յարս ինն էր,
Խանգր յարիս դեղին դափուսն՝
Աչքիս առաջ մահս ինն էր,
Ուղտը կանգնեց՝ յարս վրան,
Ոտների տալ, վախ, իմ սիրտն էր:

— Քարզան, սիրած, գյուղալ յարիդ
Ուղտի վրա հարեմ տաւան:

Սարյանի արևելյան բալլադները, ատելություն առաջացնելով ստրկության աշխարհի նկատմամբ, միաժամանակ վեհացնում են սովետական մարդու հայրենասիրական ոգին, բարձրացնում նրա հպարտության զգացումը: Այդ հայրենասիրությունն էլ հենց օգնել է բանաստեղծին տեսնել և ճիշտ պատկերել պարսկական կյանքի խավարը՝ իր բոլոր ահավոր կողմերով, և ըմբոստության այն առկաջժամները, որ վաղը փրկության կրակներ են դառնալու: Հոկտեմբերը, սկիզբ դնելով մարդկության նոր պատմությանը, չավարտվեց Ավրորայի համադարկերով: Ռևոլյուցիան և նրա մարդիկ անցյալ չէին դարձել: Երկուսն էլ գործուն, կենդանի իրականություն էին: «Կակաչ» բանաստեղծությունը այդ մեծ իրականության մարմնավորումն է, նվիրված Մալխասյան ապստամբության հերոսներին, նրանց, որ ընկան հաղթանակի հավատի երգը շուրթերին:

Բանաստեղծը վշտի ու հպարտության զգացումով է խոսում զոհված հերոսների մասին, որովհետև նրանց թափած արյունը կոկոսներ դարձած զարդարում է այսօրվա կյանքը:

Մի կարմիր կակաչ, մի սիրուն կակաչ
Ժպտաց ինձ դաշտում վառ մի առավոտ,
Կարծես իմ սրտին ծանոթ ու նանաչ՝
Խոսեց հոգուս հետ մի կարմիր կակաչ:

— Քո ընկերոջից ընդունի բառ,
Այ քերթերիս մեջ հալացն է նրա,
Նրա մահով եմ սնվել, կյանք առել,
Այս կանաչ, կանաչ բաբմ դաշտի վրա:

Ֆուրմանովի «հուովություն» վեպի հերոսներից մեկը ասել է. «մեռիւ ազիտացիոն մահով, այնպես, որ մահով անգամ օգուտ բերես: Ձէ՞ որ դա բո վերջին ուժերի մոբիլիզացումն է»: Այդպիսի մահով են սերունդների հավածքը դարձել Չապաեն ու Շահումյանը, Հազոն ու Ղուկաս Ղուկասյանը, Գաստելլոն ու Հունանը, Մուսա Զալիլն ու Միսակ Մանուշյանը:

«Կակաշ» և այլ բանաստեղծություններում Սարյանը գաղափարական շեշտը դնում է մահվան հերոսականության, կյանքի զարգացմանը նպաստող նրա մոբիլիզացնող կողմի վրա:

Հերոսականության այդ տրադիցիաներն իրենց նոր պոետական արտահայտությունը գտան Հայրենական Մեծ պատերազմի տարիներին: Ի պատասխան ֆաշիզմի ուխտադրուժ հարձակման, սովետական ժողովուրդը Կոմունիստական պարտիայի կոչով զինվորական համազգեստ հագավ և նետվեց ռազմադաշտ, հին սովորության համաձայն խեղդելու թշնամուն ուսական: ստեպներում ու անտառներում: Ռազմաշունչ երգերը թեաժեցին տափաստանների վրա, ալեկոծեցին նեայի խաղաղ ջրերը և Սև ծովի կապույտ անդորրությունը: Ամեն ինչ ծառս եղավ թշնամու դեմ: Թշնամուն հաղթելու հավատով զինվորը հրաժեշտի համբույր, տվեց սիրած աղջկան, կայարաններում դանդաղ օրորվեցին արցունքներից ծանրացած սպիտակ թաշկինակները, մայրը արտասովեց նորածին մանկան օրորոցի վրա: Ժողովրդական ցասումին խառնվեց մի ահեղ ու անողորմ լիշտ, արկերի շառաշին բնկերացան հայրենաշունչ երգերը: Զինվորների հետ մարտադաշտ ելավ նաև սովետական պոեզիան: Պատերազմի առաջին իսկ օրերին Սարյանը գրում է «Խոսք բարի, ևրթի» բանաստեղծությունը, որի մեջ պոետը բարի ճանապարհ է մաղթում կովի գնացող բնկերներին, մաղթելով նրանց հաղթանակ ու բարի վերադարձ:

Իմ բնկերները գնացին կովի,
Բարի ճանապարհ իմ բնկերներին.
Թող նրանց ճամփին հաղթանակ փովի.
Հերոսի պսակ իմ բնկերներին:

Կշարդեն նրանք լշնամուն աճարգ.
Դավրի կուր բաջ՝ իմ բնկերներին,
Հայրենի հրեի արեգակը բարկ
Ջուրավից լիճի իմ բնկերներին:

Մեր սրտերն ամեն նրանց կրծքի տակ՝
Ջերմություն կտան իմ բնկերներին.
Կտան նրանց փառք, կտան հաղթանակ,
Բարի վերադարձ իմ բնկերներին:

Ճշմարիտ խոսքը, որքան էլ այն դառն լինի, միշտ էլ թեթևացնում է ազնիվ մարդու սիրտը, օգնում նրան սխալ նայել կյանքի երևույթներին, չկորցնել հեռանկարի պարզությունը, չմոլորվել առաջին իսկ կրած անհաջողությունից: Ահա թե ինչու Սարյանը ոչինչ չի թաքցնում զինվորից: Նրա երգերում կան տուն չվերադարձած սերմնացաններ, որդու կորուստը սզացող մայրեր, բայց ոչ երբեք հուսալքում, հոգու խուճապային թրթռումներ: Պատերազմը մեծ փորձություն էր սովետական մարդկանց ոչ միայն ռազմական, այլև բարոյական ուժերի ու տոկունության: Մայրական սերը, սիրած աղջկա կարոտը, հաղթանակի հավատը, մարդկային այդ վեհ ու ազնիվ զգացումները երբեք

շմանրացան արկերի տարափների տակ։ Սովետական մարդը հաստատուն մնաց բարոյական իր բարձունքին։ Ճիշտ է, ավելի կոշտացան նրա ձեռքերը, խորացան ճակատի կնճիռները, իսկ քունքերին իջավ վաղաժամ մի ճերմակություն, բայց առաջվա նման մաքուր էր նրա սիրտը, մարդկայնորեն պայծառ նրա կարոտը։

Գեղամ Սարյանի լիրիկական ձայնը բարձր հնչեց հատկապես նրա սիրո և հերոսության բալլադներում։ Նա փառաբանում է մարտիկին զրահ դարձած մաքուր սերը, խարազանում կարճատև հաճույքը սրբազան սպասումից վեր դասող քաղթենիներին, երգում հավատի հերոսականությունը։ Ահա թե ինչու մարտիկի մահով չի անհետանում այդ հավատը, այլ շարունակում է մի նոր պայծառությունը վառվել սերունդների կրծքի տակ։ Մենք՝ բնկանք, որպեսզի դուք ավելի լավ ապրեք. ահա այն կենսասիրությունը, որ յուրաքանչյուր զոհվող կտակում է իր մարտնչող բնկերոջը։

«Հայ ժողովուրդը հնագույն ազգերից մեկը լինելով, բազմիցս կանգնած է եղել ֆիզիկական լիակատար բնաջնջման, իր ազգային կուլտուրայի լիակատար կործանման եզրին։ Մեծ է նրա թշնամիների բանակը։ Դրա սկիզբը հասնում է մինչև դարավոր հնությունը։ Դերմանական պալթիչները եզրափակում են հայկական վշտի, հայկական թախծի դառն տարեգրությունը»։ Այսպես է գրել «Պրավդան» 1943 թ. փետրվարի 27-ի առաջնորդող հոդվածում։ Վեց տմիս անց Գեղամ Սարյանը գրում է իր հռչակավոր «Դեպի կառափնարանը»։ Դա պատահական չէր ոչ թեմայի տրագիցիաների, ոչ էլ ժամանակի պահանջների տեսակետից։ 1915 թ. եղեռնը վշտի ու պայրույթի այրող տողեր է դարձել, դարձել պատմության անարդարությունը խարազանող տողեր, ինչպիսին են «Դժոխքի հանդեպը» ու «Հոգեհանգիստը» (Հ. Թումանյան), «Ցերեկվա ոսկե լույսերը մեռան», «Դառն ու տրտում» (Ավ. Իսահակյան), «Ողբ», «Խրնդանք, եղբայրներ», «Եվ ներեն միշտ» (Վ. Թեքեյան), «Այնպես անխինդ են լայրենիքում իմ արնաներկ», «Մշուշի միջից» (Վ. Տերյան)։ Այս երկերում հայ ժողովուրդն է պատկերված իր «հին ու նոր վերքերով», նորի ու հնի խորհրդավոր ճամփին մարմնավորված են «անարատ զոհի մեծ սրտի կսկիծը», բզկտված երազներ ու փետրաթափ հույսեր։

Ուրեմի՜լ և խոցում այնպես չու՜ր ու խու՜ր
Արտը մարդկային դաշույնը բխում.
Ուրեմի՜լ և եղի՜ն այնպես վիրավոր,
Եվ անպարտ երկիրն այնպես արյունոտ։
(Վ. Տերյան)

Ինչո՞ւ պատերազմի ամենաթեժ օրերին Սարյանն անհրաժեշտություն չգրաց դիմելու այդ եղեռնին, որի կազմակերպումով թուրք բարբարոսները նպատակ էին դրել ֆիզիկապես ու հոգեպես բնաջնջել հայ ժողովրդին։ Բանն այն էր, որ պատերազմը վտանգի էր ենթարկել հայ ժողովրդի ոչ միայն աշխօրը, այլև նրա դարավոր պատմությունը։ Իսկ պատմությունը միայն հերոսական պայքարի էջեր, ռազմական փառքի հիշողություններ չի թողել, սա հարուստ է նաև ազգային մեծ վշտերով, ականատես է եղել այնպիսի կորուստների, որոնք ժողովրդի ճակատագրական պահերին դառնում են հատուցման կանչեր, բորբոք պահելով նաև վրեժի ու ատելության կրակը։ Կոմիտասը, Վարուժանը և Սիամանթոն այդ շիկացած մորմոքի կրողներն են, որոնց վերա-

կենդանացումը բարոյական անհրաժեշտություն էր, երախտագիտական պարտքի արտահայտություն: Թշնամին, իհարկե, շատ կուզենար, որ ժողովրդի հիշողությունից ջնջվեր նաև ժամանակին նրան հասցրած վիշտը, մանավանդ աչնպիսի մի թշնամի, ինչպիսին գերմանական ֆաշիզմն է, որի նախորդների ձեռքերից գեո շէր ջնջվել 1915 թ. գոհերի արյունը:

Սարյանն իր ասելիքը սկսում է բնավյան բնդգծված հակադրությունների նկարագրությամբ.

Սև ծովն էր ալեկոծ փրփրում իր ափերին,
Թմրել էր Պոլիսը փառքամ պարտեզներում
եվ միմարեների նիհալն կապարներին
Վերապայսի զունատ շողերն էին մարում:

Պոլիսը, որի յաթաղանից գեո կաթկթում էր հայ անմեղ կանանց ու երեխաների արյունը, «թմրել էր փարթամ պարտեզներում»: Ուրեմն ինչպիսի վայրենի սառնասրտությամբ է նա սրի քաշել մի ամբողջ ժողովրդի, փորձելով վերջակետ դնել նրա պատմությանը: Առաջին իսկ տողերից Սարյանը բնթերցողին համակում է ատելությամբ դահիճների նկատմամբ, խորապես դիտակցել է տալիս նրան իր նախնիների խոշտանգված սրտերի վեհությունը, ստիպում վերապրել նրանց խոցված, բայց ոչ երբեք բնկճված հպարտության զգացումը:

Այնտեղ էին նրանք... այդ շարագույժ եավում,
Հայոց բնաբների վարպետները բոլոր,
Հայոց պայծառ մտքի աստղերն էին մարում
Այդ ահավոր ժամին, խավաթի դեմ անգոր:

Այնտեղ էին նրանք... Վարուժանը խոհուն,
Սիամանուն՝ հայացքն ուղղած դեպի երբե,
եվ ո՞վ գիտե արդյոք, արդյոք ի՞նչ էր խորհում
Կոմիտասը՝ հոգում պահած բազում երգեր...

Այդ օրհասական պահին նրանք դարձյալ շարունակում են մտածել հարապատ ժողովրդի հետագա ճակատագրի մասին: Կոմիտասի աչքերի առջև փոփում են հայրենի ափերը, Արագածի գմբուխտ լանջերը, Սևանը, այն ամենը, ինչ ապրում է գեղջուկի երգերում, ինչի համար ապրել է ինքը:

«Դեպի կառափնարանի» մասին նույնպես կարելի է ասել. արտահայտության ինչպիսի պարզություն, ինչպիսի բնավորություն, տողերի ինչպիսի ազատություն: Զգում ես, որ ամբողջ բանաստեղծությունը մի ակնթարթում թղթին է հեղվել ինքն իրեն, որպես արցունքի հեղեղ, որպես տաք արյան շիթ. որ թափվում է վիրակապից հենց նոր ազատված վերքից, եռագամ արցունք է տալ արյան շիթ. անհնար է ավելին ասել այս պոեմի մասին:

եվ այսպես, մի կողմից նախրի Զարյանն իր «Զայն հայրենականում» կոչ է անում գինվորներին՝ հիշել մեր նախնիներին և հարվածել թշնամուն, մյուս կողմից Սարյանը ցույց է տալիս կառափնարանի ճանապարհը բռնած նախնիներին: Զարյանի հոկտոբրական առողջ շեշտին միանում է Սարյանի խոհականությունը, ստեղծելով մտքերի ու զգացմունքների մի ակտիվ ներդաշնակություն: Պոեմի հայրենասիրական ոգուն բնավ չի խանդարում հայոց պատարագի հուզիչ «տեր ողորմյան», որ վերջին անգամ շշնջում էին Կոմիտասի պաղ շուրթերը: Մոռյո դամբարան դարձած նավում վարդապետը չէ՞ր կարող «Քելե-քելե» երգել, ոչ էլ վերհիշել «ննկի ծառը»: Վերջապես կարեոր

դա չէ, այլ այն, որ Կոմիտասը, Վարուժանն ու Սիամանթոն զգացին ծովափին հառաչող բաղմոթյան սերը, տեսան այն հուղարկավորներին, որոնք եկել էին հավերժացնելու և փրկելու մեծ նահատակների հիշատակը: Եվ հանդիսավոր տխուր այդ պատմությունը Սարյանն ավարտում է՝ վերստին դիմելով հակադրության հնարին:

Իսկ երկնում լուսնի մահիկն ամպասփող
Սահելով դուրս նայեց ուրախ ու տիրաբար.
Ինչպես Վիլհելմ կայսեր հայացքի տակ պարող
Մախված զեղեցկուհու ժպտուն ատամնաշար...

Ամեն ինչ արդեն ասված է նաև կայսերական Գերմանիայի մասին, որի անմիջական աջակցությամբ է կազմակերպվել հայ ժողովրդի մի սովոր հատվածի բնաջնջումը, այն Գերմանիայի, որ տարիներ հետո ներխուժել է մեր հողը՝ այս անգամ արդեն բնաջնջման ավելի ահավոր նպատակներով:

Հայրենական պատերազմի հաղթական ավարտից հետո էլ Սարյանը շարունակեց պատկերել սովետական զինվորի ռազմական սխրագործությունները: Սկսվեց ապրածի ու զգացածի գեղարվեստական մարմնավորման մի բարդ ու դժվարին պրոցես: Պետք էր կարողանալ բնդհանուր խնդության մեջ շմուռանալ զոհվածներին, այրիացած դեռատի կնոջ արցունքները, հարգել այն վերքերը, որ մարդիկ ստացել են հաղթանակի ճանապարհին:

Այդ տեսանկյունից դիտելով Սարյանի պոեզիան, կարելի է ասել, որ նա մարդու մեծ սրտի երգիչ է: Մարդու այդ սերն էլ նրան դարձրել է ժողովուրդների բարեկամության խանդավառ երգիչ, աշխարհի բոլոր անկյուններում ազնիվ ու բարի սրտեր տեսնող:

Սարյանը սովետահայ պոեզիայի մարդասիրական, ինտերնացիոնալիստական տրադիցիաների հիմնադիրներից մեկն է: Նա այդպիսին չէր դառնա, եթե անձնվիրաբար չսիրեր իր հայրենիքը, իր ժողովրդին: Այդ «իր»-ով հարուստ սիրտը միայն կարող է խորն ու անկեղծորեն սիրել մյուս ժողովուրդներին: Առանց ազգային հպարտության խոր պահպանման, ամուր, անկաշառ բարեկամություն լինել չի կարող: Ժողովուրդների լենինյան բարեկամությունը խարսխված է փոխադարձ սիրո, հարգանքի և համընդհանուր իդեալների վրա: Ահա թե ինչու հայրենասեր լինելով հանդերձ մեզ հարազատ է թվում ամբողջ երկրագունդը, և աշխարհում ամենից շատ մենք ենք ցանկանում, որ մարդիկ ապրեն երջանիկ ու խաղաղ:

Այդ վեհ զգացումն է արտահայտել Սարյանը Ռուսաստանին, Վրաստանին, Ադրբեջանին, Ուկրաինային նվիրված իր բազմաթիվ երգերում: Այդ զգացումն է նրան իրավունք տվել ասելու

Որդիաբար եմ հիշում մայրուրյունը քո հողի
Անձայրածիր դաշտերիդ բերրիությունն անառատ.
Համբուրում եմ իմ հեովից նակատը քո հաղթողի.
Ուկրաինա սիրելի, Ուկրաինա հառազատ:

Մինչև հիմա մենք խոսում էինք այն մասին, թե Սարյանի պոեզիայում ինչպիսի արտացոլում են գտել մեր հայրենիքի երեկն ու այսօրը: Այդ երկու իրականությունից բացի, ինչպես նշել է Մաքսիմ Գորկին, կա նաև երրորդ իրականությունը՝ ապագան, որը նույնպես պետք է լինի զրոդի մշտական

մտահոգության առարկան: Կոմունիստական այդ ապագայի երգիչը դարձավ նաև Գեղամ Սարյանը, երբ տեսավ, խորապես համոզվեց, որ «անսահման նվիրվածությունը ունույնցիային և ունույնցիոն քարոզով ժողովրդին դիմելը չի կորչում նույնիսկ այն ժամանակ, երբ ամբողջ տասնամյակներ են բաժանում ցանքը՝ հնձից» (Վ. Ի. Լենին):

Սարյանը ոգեշնչված պատկերեց այդ ցանքը՝ ներկան, դրա հաղթական երգի մեջ զգալով նաև հունձը՝ ապագան, այս երրորդ իրականությունը, որի մասին Կոմունիստական պարտիայի նոր ծրագրում ասված է. «Կոմունիզմը մարդկության և մարդկային անհատականության բարձրագույն ծաղկումն է»¹ Իսկ ծաղկումն առանց պայքարի, առանց զոհաբերությունների հաղթահարման չի լինում: Սարյանի երգած կոմունիզմը թեթև քայլերով չի գալու, այլ փրփրաբաշ ջրերի վրայով ու կռվի շառաշով, գալու է արտերի վրայով ու արտեր նվաճած: Այդ ճանապարհին հաղթանակներ են լինելու, հնչելու են հազար շեփորներ, երջանկությունը դառնալու է մարդու կենցաղի անբաժանելի մի մասը, բայց և կարոտներ են լինելու, տխրության պահեր, անհանգիստ սպասումներ:

Կոմունիզմը կգա օրերի.

Մեռելի մեռում եղա նա...

Իր հանձարի ուժով Լենինը հարստացրեց Մարքսի ուսմունքը կոմունիզմի մասին: Առաջնորդի այդ համապարփակ, ամբողջ դարաշրջաններ ընդգրկող մտքի հզորությունը, ժամանակակիցներին խոր հիացմունք է պատճառել: «Նա, ինչպես ոչ ոք նրանից առաջ, — իր հուշերում գրել է Մաքսիմ Գորկին, — կարողանում է կանխատեսել այն, ինչ լինելու է: Ինձ թվում է, որ նա կարողանում է կատարել այդ, որովհետև այդ մեծ հոգու կիսով նա ապրում է զալիքի մեջ: Նրա երկաթե, բայց ճկուն տրամաբանությունը ցույց է տալիս նրան հեռավոր ապագան բոլորովին կոնկրետ, իրական ձևերի մեջ: Իմ կարծիքով, հենց դրանով է բացատրվում նրա զարմանալի անսասանությունը իրականության հանդեպ, ոչը երբևէ չէր շփոթեցնում նրան, որքան էլ այն դժվարին ու բարդ լինեին»: Լենինի մասին գրած իր երգերում Գեղամ Սարյանը ընդգծել է հենց այդ զեղեցիկ մարդկայինը: Առաջնորդի մեծությունն այն է, որ նա խորհեց ու մտածեց ժողովրդի հետ, պատմությունն իջեցրեց անհատների ուսերից և տվեց նրա իսկական տիրոջը՝ աշխատավոր մարդուն: Միայն այդ ճանապարհով հնարավոր էր ղեկավարել ժամանակի ընթացքը, տեսնել նրա ներկան, թափանցել զալիքի հեռուները:

Ես գիտեմ, որ և մեռած ես, և ապրում ես դու հիմա,

և՛ Ես ոգիեմ միշտ կմեա ժամանակի պես անմահ:

Ինչ մարդկության երջանկության եզրաշունչ մարգարե:

Թափանցեցիր մտքով զալիք հազար տարի ու դարեր:

Իր նոր ծրագրում Կոմունիստական պարտիան նշում է, որ սովետական բարոյականությունը իր մեջ է առել համամարդկային բարոյականության լավագույն նորմերը, որոնք մշակվել են ժողովուրդների կողմից դարերի ընթացքում, սոցիալական ճնշման, անհատի ազատության ոտնահարման դեմ մղվող համառ ու տևական կռիվներում: Ժառանգածի այս մեծությունն արդեն վկայում է, թե մարդասիրական ինչպիսի ազնիվ սկզբունքներով, իդեալների ինչ-

պիսի պայծառությամբ է աշխարհի, ժողովուրդների բախտով մտահոգված
 Լենինի պարտիայի ղեկավարին բարոյականությունը:

Միմիայն կոմունիստների պարտիան է, որ ահա մեկ դարից ավելի է,
 ինչ արիաբար ծառայում է ժողովուրդներին, հավատարիմ է իր տված բոլոր
 երդումներին, հզոր է իր խաղաղասիրությամբ և հաղթող՝ խաղաղության հա-
 մար մղվող բոլոր ճակատամարտերում: Պարտիայի նոր ծրագրի մեջ իր ցայ-
 տուն արտահայտությունն է գտել լենինյան հոգատարությունը մարդու նկատ-
 մամբ: Լենինն առաջինն էր, որ մարդուն համարեց պետական ամենաթանկ
 սեփականություն, պետական բարիք: «Դիտե՛ք ինչ,—կշտամբում էր նա իր
 աշխատակիցներին,— ձեզ հարկավոր է պատասխանատվության ենթարկել
 պետական բարիքի նկատմամբ ձեր ցուցաբերած անփութ վերաբերմունքի
 համար: Այո՛, այո՛, պատասխանատվությա՛ն: Մեր մարդիկ պետական ամե-
 նաթանկ սեփականությունն են»: Այս մարդասիրությունը բխում է առաջնորդի
 ոգու վեհությունից ու հարստությունից, նրա իդեալների պայծառությունից,
 այն անխորտակելի համոզմունքից, որ մարդիկ են կերտում պատմությունը,
 հետևապես նրանք էլ արժանի են ամենաբարձր սիրուն ու հարգանքին:

Գեղամ Սարյանը ցույց է տվել այդ մարդասիրության նաև ինտերնացիո-
 նալիստական ոգին: Լենինի համար չկան ժողովուրդներն իրարից բաժանող
 հոգևոր ու բարոյական սահմանագծեր: Ահա թե ինչու յուրաքանչյուր աշխա-
 տավոր մարդ, երկրագնդի որ մասում էլ ապրելիս լինի, իր սրտի ամենասրբ-
 բազան անկյունում պահում է Լենինին, որպեսզի սիրտը առողջ բարախի,
 չունենա վրիպող դարկեր, չշեղվի բնտրած ճիշտ ճանապարհից:

Երկրներից հեռու, ծայրերից աշխարհի,
 Մամարեղեն դամբան, բեզ այցի են գալիս,
 Բայց մի՛րե դու ես, որ այն մեծ դեկավարի
 Կառուսանք սիրած բյուրերին ևս տալիս:

Մի՛րե քո մեջ է լուել այն մարդը վիրխարի,
 Որ աշխարհը դրեց մի նոր համարի վրա.
 —Այցելունե՛ր երկրի ու ամբողջ աշխարհի
 Բյուր սրտերի մեջ է Դամբարանը նրա:

Որքան ավելի ևս խորանում Սարյանի տողերի մեջ, այնքան պարզ ու
 հստակ է դառնում նաև մի այլ ճշմարտություն: Անհատի անմահությունը
 դամբարանով չի որոշվում, այլ նրանով, թե իր մահից հետո ինչ դեր է խա-
 ղում նա ժողովուրդների կյանքում և ինչ հիշատակ է թողել:

Սարյանի լենինյան տողերում առաջնորդը մեկնում է պատերազմի
 դաշտ և զինվորների հետ հաղթանակած տուն վերադառնում, օրը նրանով է
 լուսանում, երկիրը վեր խոյանում նրա մտքի վսեմ թռիչքներով, ամեն ին-
 առաջվա նման ընթանում է Լենինի ուղիով, նրա ղեկավարությամբ ու առաջ-
 նորդությամբ:

Չենք քննվել մենք քո մահով,
 Թեև միշտ ցավ ենք զգացել,
 Քո դամբանին հաճախ մոտով
 Պատվո պահակ ենք մնացել.
 Եվ ամեն օր առավոտյան,
 Երբ մենք զործի ենք գնացել,
 Մեր տխրության ու խնդության
 Քեզ մասնակից ենք զգացել:

Սարյանի տողերի ներքին իմաստն այն է, որ մարդ իր անմահությունը պետք է ձեռք բերի կենդանության օրոք, որ միայն ազնիվ, հարուստ, բեղմնավոր կյանքն է արժանի ժողովրդի սիրուն ու հարգանքին:

Հայ ժողովուրդը մի առանձին երախտագիտությամբ է հիշում Լենինին, որի փրկարար ձեռքը իջավ նաև տառապած, անարդարության դարավոր ծանրությունից կոշտացած նրա ուսերին: Եվ այն քարը, որ «վիշտ ու կարոտ է յողում» դամբարանի վրա, հայ ժողովուրդն ուղարկել է որպես հավերժական պատգամավորի, ուղարկել է, որպեսզի նա զգա իր ազատագրած փոքր ժողովրդի մեծ սրտի բաբախումը, տեսնի իր կյանքի կենդանի ընթացքը նաև Հայաստանում:

Այդ իմ երկրի բարձր, այն Գամբանի վրա,
Քարաշարում կեցած պատգամավոր լուռ.
Ու ստու՜ էր այնտեղ՝ հայացքի մեջ նրա
երկրիս երախտապարտ համակրանքը անլուռ:

Իրոք Սարյանը շնչել է բարձրացող ամեն քարի հետ, ապրել օրերի վազքում, խանդավառվել, խանդավառել ուրիշներին: Այդպիսին է նա նաև այսօր: Խոհուն, կենսասեր, բարություն լի: Ու կարծես նրա մասին է ասված, թե աշխարհ եկավ կյանք սիրելու, սեր թողնելու աշխարհին:

ТВОРЧЕСКИЙ ПУТЬ ГЕГАМА САРЯНА

В. М. МНАЦАКАНЯН

(Р е з ю м е)

Творчество Гегамы Саряна — значительное явление в армянской советской литературе. Продолжая богатые поэтические традиции Туманяна, Исаакяна и Теряна, Сарян сказал свое самобытное поэтическое слово о времени и о себе. Поэзия Саряна глубоко отражает думы и чаяния советского человека, его гордость за свою социалистическую родину и его моральную чистоту. Вслед за поэтом революции Егише Чаренцем Сарян «тысячью труб» славил новую жизнь, вдохновляясь ее твердой, могучей поступью. Герой лирики Саряна — это человек, создающий прекрасное, которое рождается в труде. Страстная влюбленность в жизнь, в советскую новь — характерная черта лирической поэзии Саряна. Народ высоко оценил поэзию Саряна, отвел ей достойное место в армянской советской литературе, которую поэт продолжает обогащать своими произведениями.